

Kuantu mas.....?

Mi ta lanta papia, pasó t'asina
lo mi salba mi konsenshi istórico
fo'i e kanáster di hipokresía
ku ta putri den awa rans di lodo

Nan lo but'ele plama na katuna:
t'e wega di un pueblo i un orguyoso
ku su kabes di korona-di-sneu i
mucha-kurason-di-luna-ku-solo

Pa por lanta kortina di su ideal
el a bula kurá trei su soño,
plachando e pan i siboyo dje pueblo
ku tur dedenan hinká den petroli

Despues di tanto buya i biahamentu
el a bira e teror dje teritorio:
demagogo ku bok'i papiyòt
ma niun krenchi sintí antropológiko

Kana konta, kore kanta ku nos n'ta
katibu, ku nos poder ekonómiko
ta masha bon, ku nos no tin mester
di otro isla, akinan t'e só ta doño

Nan lo but'ele plama na katuna:
t'e wega di un pueblo i un orguyoso
ku su kabés di korona-di-sneu i
mucha-kurason-di-luna-ku-solo

HENRY HABIBE